

醮三洞真文五法正一盟威錄立成儀

三洞弟子張萬福撰

凡醮者 所以薦誠於天地 祈福於冥靈 若不精專 則不足以
通感 盡誠而福不應者 未之有也 誠不極而望臻者 亦未聞矣
修佩之者 宜竭誠焉 凡設座 得名山洞穴是佳 不然 即幽閑虛
寂 亦可施置其器物座具 時果芳饌 必在豐新 山洞間無席 即
藉草以木葉 若淨為巾 預慎內外 不得犬鼠畜產 離穢葷肥 登
臨犯觸 及呵叱大小 盛饌一如齋法 世人心昧 不睹精微 即云
酒脯 但生不信 且道法清虛 特忌殄穢 星辰嶽瀆 皆是真仙主
之 不究根源 直信邪說 若斯之類 吁可痛哉 知上士之所勤
下愚之大笑也

設壇座位第一

潔壇解穢第二

入戶咒第三

發爐第四

醮三洞真文五法正一盟威錄立成儀

清微藏書閣

出靈官第五

請官啟事第六

送神真第七

敕小吏神第八

內官第九

復爐第十

送神頌第十一

出戶咒第十二

醮後諸忌第十三

設壇座位第一

夫神道非形 至誠斯感 真靈無象 啟必有方 修之者 須立

壇位 以祈福應也 其壇 請依靈寶招真法 開東 西 南 北

王上五門 方二丈四尺 欄纂如法 何者？三洞經法 洞玄居中

故用其事 以通上下也 立壇訖 置上清位於壇中 稍近前 南向

施青絳紋巾 以法錄開安座上 前設五尺盤三枚 一盤九分 一盤

六分 三盞燈 一盤一分 都合十六分十六杯 三爐香


次北近西六甲位 南向敷絳巾 以符開安座 前設六盤 每盤一分 一爐香 六杯 燈一
次東頭三皇位 南向敷碧巾 以符開安座上 從東天皇 次地皇 次人皇 前設三盤 盤一分 三香 三杯 三燈
次東面北頭 五嶽真形圖 西向敷絳巾 以圖符安座上 前三盤 近北一盤 五分 五嶽君位近南 一盤二分 佐命君位次南向 二盤 各一分 青城廬山使者位 三盤 九分 九杯 四燈 四爐香也

次南五符位 西向敷巾 以符安座上 前三盤 一盤一分 稍前 或別席敷皂巾 人鳥山位一盤 一杯 一香 一燈 次後二盤 真文五符八景內音位 各五分 合十分 十杯 一香 一燈
次南設盟威位 東向敷絳巾 符安座上 前設三盤 盤八分 合二十四分 二十四杯 或十二杯 或八 或三 各有法象 一香一爐
次北設東西二禁位 東向敷青巾 以符安座上 前設三盤 近北一盤一分 西嶽君位 次近南 中黃太一位 一盤一分 次近西

醺三洞真文五法正一盟威錄立成儀 清微藏書閣

四神君位 一盤四分 都三盤 合十六分 或六盤 三分 二香 二燈
若修七星 即於壇中上清後 六甲前 南向敷紫巾 設七盤 盤一分 七杯 一香 一燈 此位縱不修 亦宜設位 夫醺法 以斯為首也
河圖 附上清 亦可於上清後 三皇前 敷青巾 南向設一盤 九分 一香 九杯 一燈 醺餘鎮信盥 豉 米等 於上清前 小近東一席置之 項見師 作如是設位 非敢自專其所 須香燈 鎮信 並須如法 或能每座設案 更以淨巾 以錄於案上更佳 各設版壇 四面並須絳繩欄之 不然 即灰 或麥麩圍之 欲使真靈有位想念 可以淨幕遮圍 不使香燈散亂尤佳也

清微藏書閣



夫所以潔壇者 蕩滌故炁 芳澤真靈 使內外清通 人神俱感

凡啟醺 悉皆如之 非直此也 向王書解穢符於紙上 其水桃皮
竹葉 沉香 雞舌 香柏葉等 剉絹袋沉湯中煮之 以灑壇及器

物中並沐浴或以清泉新水亦得用也依前章鋪訖具法服以劍水於地戶上先劍後水相去各三步啟奏作三才步步畢握固瞑目存經籍度師在西面存唐將軍兵馬佩劍執印在左

葛將軍兵馬執戟佩劍在右 周將軍兵馬執節在前 真人著朱衣 乘九鳳 步斗臨壇收穢 七星覆己 頭上柄指前 不得遮己目

畢開目誦四靈咒咒曰

東方青龍
角亢之精云云
並依常

畢以手撫心
丁字立咒曰

吾召百神既集 即當遊云云 次三才步

次敕水江河淮海
非凡水云云
乃嚶水一下
唱攝三下

次稱名位訖
謹請東方青龍
降以真氣入臣身中云云

次作三才步 九跡或既濟卦

次請五童君云云 其他並常也 次作七星剛步 放水碗訖
入戶祝第三

四上功曹 龍虎使者 正一生炁 侍靜素女 夜有所啟 請得
開明童子 上玄少女 與我俱入黃宮之裏 通達所啟 皆使上聞
畢便入 繞壇一周 啟事人西北設位而立 餘眾宮男設位向東 先
上諸座香 次上啟告香也

次唱 各禮師存念如法
次存三師如常

發爐第四

鳴法鼓三十六通

無上三天玄元始三炁太上老君 召出臣某身中三五功曹 左右
官使者 左右捧香 驛龍騎吏 侍香金童 散花玉女 五帝直符
直日香官 各三十六人出關 啟州縣土地里域真官正神 臣某今正
爾燒香設醮 願得十方正真生炁降流臣等身中 令所啟 速達徑御
三清玉帝至真 几前
次上奏按香 眾官再拜

醮三洞真文五法正一盟威錄立成儀

清微藏書閣

出靈官第五

長跪 叩齒二十四通

謹出臣某身中五體真官 上仙上靈 直使功曹 正一功曹 左
右官使者 陰陽神決吏 科車赤符吏 剛風騎置驛馬 上章吏官
各二人 出臣某身中虛無自然左右侍郎 混沌玉帝太真 左右領仙
玉郎 九玄上虛功曹 三元功曹 各二十四人 出上清玉虛使者
神仙使者 太山使者 金晨玉童 太華玉女 左右靈飛 玉虛侍郎
各二十四人 出五帝 元皇 太真 各九千人 出檢天輔仙騎
輔真騎 輔神騎 輔帝騎 輔靈騎 各九億萬眾 出五帝飛輪策空
騎 五帝飛仙騰空騎 各九億萬眾 出九天飛瓊羽蓋騎 飛轅綠駢
騎 制地龍騰騎 各九億萬眾 出自然招真生芝玉仙吏 招神生芝
玉仙吏 神丹生芝玉仙吏 各九億萬眾 出金真輝電騎 陽精興雲
降雨騎 陰精興雲降雨騎 陽明照曜逐電騎 雲門執節金光騎 各
九億萬眾 出臣某身中靈寶洞玄三部八景諸天內音神仙 繡衣玉女
五帝直符 傳言奏事 日月星宿 五帝官屬 神龍騎 飛龍騎
驛龍騎 雲龍騎乘等 一合嚴裝冠帶 整其威儀 對立臣某前 告

敕上下八方 天官 地官 水官 五嶽四瀆 九江八極 名山大澤
五帝真官 四司監察 九部考召 玄元四始 甲子諸官君 無極
無窮 無高無下 無幽無明 無深無淺 無執數眾真官 注氣乾皇
九宮八卦 六甲直符 虛無直事 五嶽飛仙 神龍羽騎等 並為
關啟

奏聞臣某 去某年 某月 某日 詣上清大洞法師某君門下
奉受仙靈畢法 上清仙籙 靈寶真文 八景五法 六甲祕符 西嶽
名山 五嶽真仙圖籙 三皇五帝神符 九天鳳炁正法真籙 金神虎
符 豁落七元靈飛 六甲紫文交帶 迴車畢道 佩服身形 存修供
養 吉辰於某觀靈壇之上 旋設薄醮 陳情獻歎 以契真靈三界官
屬 與臣某身中五體三萬六千神吏 分形合影 營護壇所 馘滅妖
氛 咸令肅穆 無使參差 聽臣某關奏啟請 必蒙降赴
請官啟事第六
從此已後 並須平聲低言讀之 每至再拜 皆住良久 不得高
厲也

上清玄都大洞三景弟子 某嶽先生 某帝小兆真人臣某 再拜

醮三洞真文五法正一盟威錄立成儀
清微藏書閣

請官

謹奉請 上皇二十四高真 玉清紫虛高上元皇道君等 各神仙
玉童 玉女 一合乘雲馭炁 應景分靈 垂光降臨醮席 再拜
謹奉請 三天正法三元大君 太微靈都元皇真君 神仙丈人
玉童玉女 六十三部靈官真人 一合分靈應景 馭炁乘雲 騰空遍
下 垂光降臨醮席 再拜

謹奉請 太清高仙 景雲真人 太上丈人 上皇君 九華太帝
玄黃玉女 一合流精散氣 逐感隨機 駕景通神 乘光降席 再
拜 謹奉請 瓊宮左右靈飛 真童玉女神仙等眾 垂光降席
再拜 謹奉請 河圖太尉 玉帝府九晨君 真皇夫人 諸靈官
使者 玉童玉女等 一合馭景分暉 垂光降席 再拜

謹奉請 太平下教二十四高真人 一合留神應感 布大慈悲
念彼有心 同塵接世 分暉列照 垂光降席 再拜
謹奉請 北斗七星真君 輔弼真宰 仙靈騎從 一合馭景分暉
垂光降席 再拜
謹奉請 六甲所領六旬真神 六丁玉女 符吏從官 直日直符

十二守士 並臨降醮席 再拜
謹奉請 西嶽君 及飛天丈人 太一中黃 玄上玉童 虎王李
君 猛獸先生 一合來下 降臨醮席 再拜
謹奉請 五嶽君 佐命潛霍諸君 青城丈人 廬山使者 及當
境山川真靈 並降臨醮席 再拜
謹奉請 天皇天一君 地皇太一君 人皇玄一君 真靈騎從
並降臨醮席 再拜
謹奉請 人鳥山形 真靈騎從 一合來下 降臨醮席 再拜
謹奉請 東方靈威仰蒼帝君 青牙九炁天君 太上真王 青腰
玉女 東鄉諸靈官 並臨醮席 再拜
謹奉請 南方赤熛弩赤帝君 朱丹三炁天君 元炁丈人 朱宮
太丹玉女 南鄉諸靈官 並臨醮席 再拜
謹奉請 中央含樞紐黃帝君 太帝真人 子丹黃庭戊己天蒼玉
女 中央太帝靈官 並臨醮席 再拜
謹奉請 西方曜伯寶白帝君 明石七炁天君 元炁丈人 太上
白素玉女 西鄉諸靈官 並臨醮席 再拜

醮三洞真文五法正一盟威錄立成儀
清微藏書閣

謹奉請 北方隱侯局黑帝君 玄滋五炁天君 太上靈君 夜光
玉女 北鄉諸靈官 並臨醮席 再拜
謹奉請 夏帝君 五嶽靈山真人 江河四瀆 三官九府諸靈官
地仙玉女 五嶽飛仙諸仙官 並臨醮席 再拜
謹奉請 斗宮諸真人 玉童玉女 高仙神官 服紫翠十華之帔
雲錦鳳羅之裙 右佩虎章 左帶龍劍 御碧林之輦 乘三素之雲
垂光迴眄 曲賜下臨 再拜
謹奉請 左上仙蔽身大將軍一人 姓唐 名宏 字文明 赤積
朱衣大冠 左手執節 右手持符 佩劍兵士三千萬眾 下臨醮席
再拜
謹奉請 右上靈隱形大將軍一人 姓葛 名雍 字文度 赤幘
朱衣大冠 左手執戟 右手持符 佩劍兵士三千萬眾 下臨醮席
再拜
謹奉請 中上神藏影大將軍一人 姓周 名武 字文剛 赤幘
朱衣大冠 左手執節 右手持符 佩劍兵士三千萬眾 下臨醮席
再拜

謹奉請 臣身中所佩太上正一童子一將軍錄 錄中正一功曹使
者 仙童侍從 降臨醮席
謹奉請 臣身中所佩太上正一童子十將軍錄 錄中功曹使者
郎吏虎賁等 降臨醮席
謹奉請 臣身中所佩太上正一上仙上靈百五十將軍錄 錄中功
曹使者 將軍吏兵 降臨醮席
謹奉請 臣身中所佩太上赤天三部唐將軍 葛將軍 周將軍
並侍從兵吏 各三千萬眾 嚴裝盛服 降臨醮席
謹奉請 臣身中所佩太上上靈百鬼召錄 錄中功曹使者 將軍
吏兵 降臨醮席
謹奉請 臣身中所佩太上元命混沌赤錄 錄中功曹使者 仙人
玉女 將軍吏兵 降臨醮席
謹奉請 臣身中所佩太上三五上仙百鬼召錄 錄中將軍吏兵
降臨醮席
謹奉請 臣身中所佩太上九州社令錄 錄中功曹使者 將軍吏
兵 降臨醮席 再拜

醮三洞真文五法正一盟威錄立成儀
清微藏書閣

謹奉請 臣身中所佩太上五星剛五斗錄 錄中功曹使者 魁
罡斗步 將軍吏兵 降臨醮席
謹奉請 臣身中所佩太上河圖寶錄 錄中功曹使者 仙童玉女
降臨醮席
謹奉請 臣身中所佩太上解六害神符錄 錄中真官 解刑卻害
將軍吏兵等 降臨醮席
謹奉請 臣身中所佩太上九鳳破穢錄 錄中五方破穢將軍吏兵
降臨醮席
謹奉請 臣身中所佩太上都章畢印錄 錄中真神 功曹使者
仙童玉女 降臨醮席
謹奉請 臣身中所佩太上斬邪華蓋錄 錄中功曹使者 將軍吏
兵 降臨醮席
謹奉請 臣身中所佩太上九天兵符錄 錄中統領九天神君 將
軍吏兵 降臨醮席
謹奉請 臣身中所佩太上九宮捍厄錄 錄中諸官 卻厄君 將
軍吏兵 降臨醮席 再拜

將軍吏兵	謹奉請	臣身中所佩太上八卦護身錄	錄中功曹	八方護身君
官	降臨醮席	臣身中所佩太上考召錄	錄中考召君	將吏
靈官	謹奉請	臣身中所佩太上斬邪赤錄	錄中辟斥將軍吏兵	斬邪
降臨醮席	謹奉請	臣身中所佩太上辟邪神錄	錄中功曹使者	將軍吏兵
兵	降臨醮席	臣身中所佩太上四部禁炁錄	錄中禁炁將軍	功曹吏
將軍吏兵	謹奉請	臣身中所佩太上大斬邪錄	錄中誅邪	斷絕水府精邪
吏兵	降臨醮席	臣身中所佩太上功曹錄	錄中功曹使者	仙童玉女
席	再拜	臣身中所佩太上保命長生錄	錄中保命君吏	降臨醮

醮三洞真文五法正一盟威錄立成儀

清微藏書閣

謹奉請	太上三元大將軍券契中貴神將吏	降臨醮席	再拜
言治典二十四治	治有二十四人	官有二十四職	職有二百四
十軍	軍有二十四百將	將有二萬四千吏	吏有二十四萬兵
女官	二十四官	男職	二十四職
氣	治中虎貴威儀鈴下五百將	各二十四人	
	治中校尉百二十人		
	治中功曹二人		
	治中主簿二人		
	治中幹佐十二人		
	治中金剛童子十二人		
	治中小吏十二人		
	治中部章督郵十二人		
	治中從事十二人		
	治中使者士二人		

治中通章二人
治中典治君十二人
治中考召吏二十四人
治中左右陰陽二十四生炁吏
治中建節監功大將軍二十四人
治中前步效功吏二十四人
治中後步效殺二十四人
治中驛亭丞二十四人
治中監章從事二人
治中按章從事二人
治中錄章從事二人
治中校章從事二人
治中呈章從事二人
治中鈐下百鬼中王二十四人
治中定章從事二人
治中齋章從事二人

醮三洞真文五法正一盟威錄立成儀
清微藏書閣

治中御章從事二人
謹奉請 名山大澤守土真官 當界主司 虛空監察 四司五帝
應感真靈 各領分輝垂光 降臨醮席 再拜
請眾聖事畢 便伏想見真靈百匝千重 億乘萬騎 悉在壇所
各依位次 儼然陳列 靈真光輝煥耀 肅然在目 前畢再拜
次讀詞 詞訖亦拜
次稱名位

上清玄都大洞三景弟子 奉行三洞醮法事某嶽先生 某帝小兆
真人臣某等 誠惶誠恐 謹叩頭再拜 上啟虛無自然元始天尊 無
極大道太上老君 上相上宰 無極元君 太上玉晨高上道君 太微
天帝君 後聖金闕帝君 玉皇二十四高真 玉清紫虛元皇道君 四
輔上相上宰 東華方諸青童大君 三天正法三元君 太微靈都元皇
真君 九天鳳炁太清上仙 太上丈人 神仙丈人 玉童玉女 三台
七元輔弼尊帝 神真上聖 上保南極紫元夫人 上傳太素真君 上
宰西城總真王君 太極真人 南嶽赤君 太平下教二十四真人 司
命南嶽魏夫人 紫微王夫人 九華安妃 太元真人 東卿司命茅君

清靈真人裴君 紫陽真人周君 仙侯侍帝晨 二許真人 司命楊君 句曲真人 定錄右禁郎茅中君 三官保命司直茅小君 華陽洞府領括蒼吳越生死罪福眾真 三十六司命官君 河圖九晨君 六甲諸靈官 西嶽君 中黃太一君 五嶽九山佐命君 三皇真君 無上元始太上大道君 五老上帝 至真大聖尊神 玄中大法師 道德眾聖 天尊大帝 天帝玄一三真人 太上明威正一天尊 天師嗣師係師 女師 三師門下典者君吏 上皇太上道君 太清玄元上三天無極大道太上老君 太上丈人 九老仙都君 九炁丈人等 百千萬重道炁 千二百官君 太清玉陛下南上大道君 四方三界一切真靈三洞典經玉郎 神仙官屬 臣某七世積德 慶及今生 少懷慕道心思妙法 潔志清嚴 歸命師門 勤求俛仰 以詣某君門下 奉受寶經 天書 玉字 符圖 要訣 內外治錄 佩服身形 存修供養 未契真靈 以今吉日良會 沐浴熏修 敷陳法座 施設芳饌 啟薦真靈 伏惟大聖眾尊 願迴雲駕 俯垂采納 鑒映凡情 省理所言 留恩降福 臣某稽首再拜 三上香

醮三洞真文五法正一盟威錄立成儀

清微藏書閣

三上湯

臣某謹重上啟

夫大道微妙 神用無方 吐納陰陽 生成萬物 有形之類 皆是道生 長養成就 如母所受 凡厥迴向 莫不感通 伏惟太上眾尊 哀憐有心 賜見開悟 若臣某上代七祖 有大罪 負越科禁 穢犯天地 日月星辰 或罵詈神鬼 指斥真靈 誹經謗道 抑弱欺貧 三業六根 驕慢四輩 殺生偷盜 萬罪千愆 啟大宥之恩 普賜原赦 臣某七祖父母 先化亡魂 永離幽牢 遷昇福地 南宮受鍊 仙化成人 高步九天 無為自在 臣某宿根重積 固疾深災 眾病潛消 諸殃殄滅 凶謀惡逆 姦鬼邪神 一切消除 天祿永延 福樂無盡 同師共法 及以姻宗 久視長生 巍巍貞吉 乞臣某心靈朗悟 智慧圓通 真聖冥扶 神靈降接 良師善友 玉液金丹 必自相逢 不求而至 行道得道 求仙得仙 舉意從心 萬向皆遂 臣某稽首再拜

三上香

三上湯

臣某謹重上啟高靈眾尊 上聖尊神 三洞神真 四司五帝 臣
某有幸 宿世恩深 九天之劫 轉及今身 值遇明運 道法流行
得以穢質參染靈文 高上秘籙 三洞符圖寶章 自叨竊以來 尊仰
上真 心希神仙 而精誠淺末 未能感靈 常恐罪身沉傾 晁穢 淪
沒九泉 天慈廣大 展其功效 心守誠信 志度無窮 今日上告
萬願開陳 清心啟謝 披露宿新 伏願上聖高尊 諸君丈人 至真
天尊 曲降卑賤 誠慚誠恐 不敢自寧 天光遐照 無幽不鑒 披
心上啟 敢奉以聞 乞真符寶籙 神靈侍衛 營護臣身登山涉險
出入林澗 所求所向 皆得如言 金石開通 神明交會 萬願從心
採服芝藥 不得隱藏 山精伏匿 萬試不干 虎狼毒蟲 令不加
身 仙童玉女 給侍東西 萬神靈炁 降入身形 安鎮五臟 內外
聰明 心開意悟 逆知吉凶 三尸消滅 九蟲不生 身有奇毛 早
得神仙 惟蒙高尊大帝真人 降福垂恩 流下眾庶 賜如所陳 不
勝洪澤 輒以自效 臣某誠惶誠恐 稽首再拜
三上香
三上湯

醮三洞真文五法正一盟威錄立成儀
清微藏書閣

送神真第七

臣某啟

上勞尊靈 下降凡穢 加以食膳寡薄 詞理庸拙 久稽真儀 罪當
萬責 今雲車已整 里路方披 仰勞尊神還登金闕 臣某不逮 願
賜開宥昇車之恩 伏希罔極 臣某誠惶誠恐 稽首再拜 四散香湯
及醮酢 收法籙及位版 然敕小神吏

敕小吏神第八

夫上下尊卑 人神共軌 不可謬濫 須依次序 今尊神既昇
諸有營護侍衛土地真官 及身中兵吏 主掌符圖 位卑職小 未預
法座之者 請各配位 依其上下 受臣某言啟

上香
上湯

伏以龍輿整馭 不敢久停 幸願降臨之後 各還所職 如常守
衛 降福除禍 留恩布德 侍經玉童玉女 左右玉郎 兼臣某所受
真官 各依掌衛 與臣某同心一體 行住動止 不相去離 若有災
厄患 神惑氣昏 違犯契盟 吏兵先坐 玄科格律 罪譴不輕

神宜慎之 散香湯等
內官第九

臣某設醮已畢 向來所出身中五體真官 三洞玉郎吏 一切靈
騎 並願還臣某身中 各依所守 在左還左 在右還右 安坐金堂
玉室 保炁全真 須臣某後召復出 一如故事 伏良久閉目 叩齒
三通 想見身神 翕然盡還身中 如世中州府兵馬 各還營幕 帖
然澄靜 然後復鑪

復爐第十

此後一章 平聲高唱 一如齋法事

香官使者 左右龍虎君 侍香諸靈官 當今壇靜之所 自然生
金芝玉英 臣某求道得道 求仙得仙 七祖三師 悉蒙昇度 遍沐
玄恩 十方仙童玉女 接待香煙 傳臣向來言奏 速達徑御三天太
上 無形 無名 無極 元尊玉帝 几前

送神頌第十一

眇眇空無像 悠悠感有情 敬則垂天貺 洩則被魔精 吉凶隨
運起 否泰應緣生 道不貴珠玉 神懼在志誠 丹碧盡勤苦 懇歎

醮三洞真文五法正一盟威錄立成儀

清微藏書閣

竭中情 自然通大聖 皆得降明靈 捻香陳所願 稽首冀嘉貞 天
尊常湛寂 迴心歸杳冥

誦畢 學仙下壇 一如常法

出戶祝第十二

玄上太陰 八窗開明 向有所陳 少女通靈 事畢復位 萬神

潛寧

醮後諸忌第十三

凡醮食 可以飯賢人 道士 不得與雜俗昏穢之人 孝子 婦
人尤忌 亦不道餉遺俗流之類 舊法皆送於長流水中 及土地埋之
勿飲酒 其氣亂 勿食五辛 其氣昏 勿與別人同坐 其氣雜
勿視死看生 其氣穢 勿嗔怒 其氣奔 勿悲哀 其神傷 勿見血
其氣污

已上七戒 宜依七日 或二七日不違之 能滿四十九日更佳

大都道人忌之 悉然非止醮後

夫求市醮物 皆須時新豐潔 無^紅虫孔及塵穢之物 又不得論其
財 錙其入土 沉穢之物 不充醮物 蔗芋 署藥 藕葛之徒 若

以人參 伏苓之類 不禁 此皆靈物所育 營辦之時 先沐浴清淨
燒香洗滌器物 刀機 不得高言厲語 嗔怒小大 交遊外俗 如
不解自營 須求造食 人先約勒 令沐浴換新衣 專自看之

醮三洞真文五法正一盟威錄立成儀竟

天運辛卯年子月正一天師清微弟子洪鼎堅羅大英恭錄彙編



醮三洞真文五法正一盟威錄立成儀

清微藏書閣